



ČESTO POSTAVLJENA PITANJA

P: *Da li mogu aplicirati ako imam građevinsku dozvolu, ali objekat nije imao tehnički prijem i nema upotrebnu dozvolu?*

O: Ne. Objekat u kojem se vrši zamjena izvora toplote mora imati okončan process izgradnje u smislu da je za objekat izvršen tehnički pregled i izdana upotrebna dozvola, nakon čega se u **zemljišnoknjižni (ZK)** izvadak upisuje i postojanje objekta na parceli. Shodno tome, obavezan je dokaz ZK izvatka sa upisanim objektom ili pravosnažna upotrebna dozvola.

P: *Da li mogu aplicirati ako sam trenutno u procesu legalizacije objekta?*

O: Ne. U projektu mogu učestvovati samo legalno sagrađeni objekti, dok će vlasnici koji su u procesu legalizacije svojih objekata moći aplicirati u nekom budućem periodu, kada završe taj proces.

P: *Da li mogu dostaviti ZK izvadak za parcelu na kojoj se nalazi objekat?*

O: Ne. Potrebno je dostaviti ZK izvadak na kojem je ucrtan objekat za koji se aplicira. Gabariti objekta ucrtani u ZK izvatku trebaju odgovarati trenutnim gabaritima objekta.

P: *Mogu li aplicirati kao vlasnik stana u objektu zajedničkog stanovanja?*

O: Ne. Trenutnim projektom obuhvaćeni su vlasnici individualnih stambenih objekata.

P: *Da li mogu aplicirati kao trenutni korisnik objekta, a sam objekat pripada drugoj osobi?*

O: Ne. Aplikaciju popunjava i potpisuje isključivo vlasnik objekta, a ne trenutni korisnik, bez obzira da li je taj korisnik član porodice ili prijavljeni zakupac stana.

P: *Objekat je trenutno u procesu naslijeđivanja, mogu li aplicirati kao potencijalni nasljednik?*

O: Ne. Vlasništvo nad objektom je preduslov za apliciranje, pa osobe koje su u procesu naslijeđivanja aplikaciju mogu poslati u nekom budućem periodu, kada završe taj proces.

P: *Objekat pripada većem broju osoba, ali samo ja želim aplicirati, šta trebam priložiti?*

O: Ako postoji više vlasnika, aplikaciju popunjava i potpisuje jedan od vlasnika, a ostali vlasnici moraju dati pismenu saglasnost za apliciranje. Ukoliko objekat ima odvojene stambene jedinice, ali nije izvršeno etažiranje, već se suvlasništvo vodi nad cijelim objektom, također je obavezna saglasnost svih suvlasnika, bez obzira da li se zamjena izvora toplote radi u samo jednoj stambenoj jedinici.

P: *Koje dokumente treba poslati uz prijavni obrazac?*

O: Lista obavezne prateće dokumentacije nalazi se na drugoj stranici prijavnog formulara, odmah nakon mjesta za potpis aplikanta.



P: U kojoj formi treba dati tražene izjave i ko ih ovjerava?

O: Forma za Izjavu o izvedenim radovima i prihvatanju uslova učešća je data uz Prijavni formular, a Izjavu o saglasnosti suvlasnika za apliciranje na Javni poziv sastavljate sami, shodno potrebi za istom. Potpisi na izjavama moraju biti ovjereni od strane ovlaštenog organa (Vaša opština) ili to može biti notarski/advokatski obrađena isprava.

P: Mogu li aplicirati za zamjenu sobne peći / kamina ili mogu aplicirati samo vlasnici sistema grijanja?

O: Aplicirati mogu svi, kako vlasnici pojedinačnih sobnih peći, tako i vlasnici sistema grijanja sa kotlovima, potrebno je samo da u formularu naglasite kakva Vas zamjena interesuje.

P: Trenutno se grijem uz pomoć sobne peći / kamina, ali želim da se prebacim na sistem grijanja, mogu li to ostvariti?

O: Možete, ali biti će Vam subvencionirana samo cijena kotla, dok instalaciju podnog grijanja ili radijatora morate realizovati samostalno i taj dio posla mora biti gotov prije ugradnje novog kotla.

P: U kući imamo 3 domaćinstva koja se zagrijavaju sobnim pećima. Da li svako domaćinstvo treba da preda odvojenu aplikaciju ili se može predati jedna aplikacija za zamjenu peći u sva tri domaćinstva koja se nalaze u jednom objektu?

O: Ukoliko se više domaćinstava u istom objektu griju na sobne peći, a žele da pređu na jedan kotao tada se predaje jedna aplikacija, a vlasnici su dužni da o svom trošku instaliraju unutrašnju instalaciju (cijevi i radijatore), prije ili najkasnije istovremeno sa instalacijom novog kotla, a što mora biti predviđeno projektnom dokumentacijom.

Ako više domaćinstava u istom objektu žele da zamijene sobne peći certificiranim pećima na pelet, tada svako domaćinstvo posebno šalje aplikaciju, ali će biti dozvoljena zamjena samo jedne sobne peći po objektu.

P: Mogu li aplicirati ako se grijem na električnu energiju ili plin?

O: Ne. Cilj projekta je izbacivanje iz upotrebe peći i kotlova na čvrsta goriva, te ne obuhvata zamjenu drugih, ekološki prihvatljivijih metoda zagrijavanja (električna energija, plin i slično).

P: Prije određenog vremena smo ugradili novi kotao na pelet, možemo li aplicirati za refundaciju troškova?

O: Ne. Nije predviđeno refundiranje zamjena koje ste samostalno realizovali u nekom ranijem periodu.

P: Mogu li birati kakvu peć ili kotao ću dobiti kao zamjenu?

O: Snagu kotla/peći određuje projektant na bazi korisne površine i toplotne izolacije ovojnice objekta. Nije predviđeno povećanje snage kotla zbog planirane naknadne dogradnje ili rekonstrukcije objekta.



P: *Da li imam pravo aplicirati ako u sklopu objekta imam i poslovni prostor?*

O: Da, ali samo pod uslovom da je udio stambene površine minimalno 51% u ukupnoj korisnoj površini objekta.

P: *Ukoliko bude više aplikacija sa istim brojem bodova na koji način će se izvršiti konačni odabir?*

O: Način bodovanja je dat u tekstu Javnog poziva. U slučaju da više aplikacija ima isti broj bodova prednost će se dati aplikaciji gdje postoji veći broj članova domaćinstva. U slučaju da je kod takvih aplikacija i broj članova domaćinstava isti, prednost će se dati aplikaciji koja je osvojila veći broj bodova po kriteriju korišteno gorivo. Ukoliko je i taj kriterij isti, prednost će se dati aplikaciji koja je osvojila veći broj bodova po kriteriju korištenje stambenog prostora. Ako je i broj osvojenih bodova za korištenje stambenog prostora isti, prednost na rang listi će se dati aplikaciji koja je osvojila veći broj bodova po osnovu kriterija kategorija kvaliteta zraka.

P: *Da li je moguće odustati od zamjene peći/kotla čak i ako budem odabran/a za realizaciju?*

O: Možete odustati od realizacije projekta u bilo kojem momentu u fazama prijave, evaluacije i projektovanja, odnosno prije nabavke samog kotla ili peći, jer do tog momenta plaćate svojim udjelom u realizaciji ukupnog projekta. Potrebno je samo da nas obavijestite o Vašem odustajanju, kako bi se slijedećem korisniku na rang listi omogućilo učešće u projektu.

P: *Zašto u ovom Javnom pozivu ne mogu učestvovati vlasnici objekata koji ne pripadaju Kantonu Sarajevo?*

O: Zamjenu peći i kotlova na čvrsta goriva u potpunosti sufinansira Kanton Sarajevo i Švedska, prvenstveno sa ciljem smanjenja zagađenja zraka na području ovog kantona, te shodno tome objekti sa drugih područja ne mogu učestvovati u ovom Javnom pozivu, ali se svakako nadamo da će i druge sredine prepoznati prednosti ovog projekta, te pokrenuti vlastite projekte ove vrste u budućem periodu.